




Cymun Bendigaid ar Gân


Y Pedwerydd Sul ar Bymtheg wedi'r Drindod

10 Hydref 2021 am 9.15am




Cadeirlan
Deiniol Sant
ym Mangor

Saint Deiniol's
Cathedral
in Bangor



Croeso i Gadeirlan Deiniol Sant ym Mangor.



Rydych chi'n sefyll rwan
lle safodd Deiniol bron i
fileniwm a hanner yn ôl.

Yma, yn y flwyddyn
525, bu iddo gynnwll o'i
gwmpas gymuned lawn
ffydd, gobaith a chariad,
gan godi o'i chwmpas
ffens gyll—y **bangor**
gwreiddiol—iddi'n gysgod
ac yn noddfa.

Ein gweddi yw y cewch
chwithau, hefyd, eich
cofleidio yma gan yr un
ffydd, gobaith a chariad
a gyhoeddir gennym
heddiw ac sy'n ein
cyfareddu o hyd.

Cymun

Yn y Cymun hwn byddwn yn cwrdd
â'r Crist bythol atgyfodedig mewn
bara a gwin, ei Gorff a'i Waed ef yn
ein plith.

1 Wrth inni ymgynnull, byddwn yn
paratoi ein hunain i gwrdd â Christ
trwy gyffesu ein pechodau — y
ffyrdd yr ydym wedi galaru Duw yn
ein bywydau yr wythnos ddiwethaf
hon — ac yn derbyn gollyngdod, sef
sicrwydd o faddeuant Duw.

2 Yna rydyn ni'n gwrando ar
ddarlenniadau o'r Beibl, gan
ganfod yno arweiniad, her,
cysur a newydd da gan Dduw.
Ymatebwn trwy gyhoeddi ein ffydd
yn y Drindod Sanctaidd a chynnig i
Dduw ein gweddi dros bawb mewn
angen.

3 Yn galon i'n haddoliad heddiw,
byddwn yn cymryd bara a gwin,
byddwn yn gofyn am fendith
gweddnewidiol Duw arnynt, yn torri'r
bara, ac — fel aelodau o Gorff toredig,
trwsiedig Crist — byddwn yn Cymuno.

4 Daw ein haddoliad i ben wrth
inni dderbyn bendith Duw, yn
gynhaliaeth inni wrth ymadael.

Waeth pa mor bell yn ôl y
gwnaethoch hynny ddiwethaf, mae
croeso i chi Gymuno yma heddiw. Os
hoffech chi Gymuno am y tro cyntaf,
neu gael eich Bedyddio, siaradwch ag
aelod o dîm yr Gadeirlan.

Ceir ffydd, gobaith a chariad yma i
bawb.

Addoli gyda ni heddiw

Mae'r llyfryn hwn yn cynnwys popeth a ddywedir ac a genir yn ystod ein haddoliad heddiw. Fe'ch gwahoddir i fynd â'r llyfryn adref gyda chi, i fyfyrion yn eich amser eich hun ar y geiriau sanctaidd sydd ynddo. Fodd bynnag, nid darllen neu arsylwi ydi addoli – ond gweithgaredd, a ninnau'n cymryd rhan, ochr yn ochr â'r rhai sy'n cynnull gyda ni ac, y tu hwnt i hynny, ochr yn ochr â llu'r nef i gyd. Dyrchefwch, felly, eich llygaid; sylwch ar liw, golau, sain, symudiad a harddwch; codwch eich llais; cyfranogwch yn yr hyn a fydd yn eich gweddnewid, o roi iddo'r cyfle.

Yn ystod ein haddoliad, rydyn ni'n dweud ac yn canu gyda'n gilydd y testun **mewn teip trwm**. Darperir cyfieithiadau o ieithoedd tramor. Mae croeso ichi wneud arwydd o'r Groes pan fydd y geiriau wedi'u marcio ag ✠. Cynigir cyfarwyddiadau eraill (rhuddellau) **mewn teip coch**; os ydych chi'n ei chael hi'n fwy cyfforddus, eisteddwch yn hytrach na sefyll neu benlinio.

Rhagofalon Cofid

Mae'n ofyniad cyfreithiol gwisgo gorchudd wyneb. Mae'r gofyniad yn gymwys i bawb 11 oed a throsodd onibai bod gennych reswm.

Rydyn ni wrth ein bodd bod pawb bellach yn cael canu, ond gofynnir i bawb heblaw'r Côr ganu y tu ôl i'w gorchudd wyneb.

Fe'ch gwahoddir i ddarparu manylion Profi Olrhain Amddiffyn. Ceir codau QR ger y drysau.

Byddwch yn ystyriol a pharchus tuag at eraill, gan gadw pellter priodol. Mae'r seddi yn yr eiliau yn cynnig mwy o le i ymbellhau.

Plant a theuluoedd ifanc

Ceir gweithgareddau a chrefftau yn ystod y Cymun Bendigaid ar Gân bob dydd Sul yng Nghapel Mair, ar gyfer unrhyw blant hyd at 11 oed. Mae'r crefftau a'r gweithgareddau yn amrywiol, gydag o leiaf un yn ymwneud â thema'r Cymun ei hun. Caiff y gofod hwn yn cael ei staffio gan oedolion cyfrifol, a bydd plant dros 5 oed yn gallu mynd a dod. Bydd plant yn parhau i fod yn gyfrifoldeb eu rhieni neu eu gwarcheidwaid bob amser. Yn y lle cyntaf, dylai plant sy'n 4 oed ac iau fod yng nghwmni rhiant neu warcheidwad oni bai bod trefniant ymlaen llaw gyda'r rhai ar ddyletswydd wedi'i wneud.

Diogelu

Mae diogelu plant ac oedolion sydd mewn perygl yn hanfodol, ac rydym wedi ymrwymo i feithrin amgylchedd lle mae pawb yn gallu addoli a chymryd rhan ym mywyd Cadeirlan Deiniol Sant yn ddiogel. Os oes gennych unrhyw bryderon, codwch nhw ar unwaith gydag aelod o dîm y Gadeirlan.

Hygyrchedd

Mae dolen glyw ar waith – gosodwch gymhorthion clyw i'r lleoliad T.

Mae copïau print bras o'r llyfryn hwn ar gael gan y stiwardiaid.

Mae tai bach ym mhen dwyreiniol y Gadeirlan, trwy'r drws i'r chwith o'r sgrin y Cwîr.

Os bydd angen i ni adael y Gadeirlan mewn argyfwng, arhoswch ar eich heistedd a dilynwch gyfarwyddiadau'r stiwardiaid.

Hysbys wythnosol

Stiwardio

Bu'n hyfryd cael y Gadeirlan ar agor bob dydd yr wythnos ddiwethaf hon, o ddydd Llun i ddydd Sadwrn, rhwng 11am a 3pm, i groesawu cynifer o ymwelwyr a phererinion. Da hefyd oedd cael cynulleidfda ar gyfer pob un o'n dathliadau beunyddiol o'r Cymun Bendigaid am 12.30pm. Rhaid wrth ein stiwardiaid ymroddedig i alluogi hyn oll. Os y gallwch chi ymuno â'r tîm stiwardio trwy gynnig dwy awr o'ch amser, yn wythnosol, bob pythefnos neu bob mis, siaradwch â'r Canon Bywyd Cynulleidfaol.

"Cymun Deiniol"

Mae'n hyfryd bod y Côr bellach yn cyfrannu at y Cymun Bendigaid ar Gân am 9.15am yn ogystal a'r Choral Holy Eucharist am 11am pob Sul. Mae hefyd yn fuddiol bod ein haddoliad corawl Cymraeg yn cael ei gyfoethogi gan gyfansoddiadau a gosodiadau newydd. Mae'n cyfansoddiad newydd cyntaf yn cael ei ganu y bore yma. Cyfansoddwyd "Cymun Deiniol" gan aelod o Gôr y Gadeirlan, Simon Ogdon. Wrth siarad am ei gyfansoddiad newydd, meddai Simon, "Rwy'n falch iawn o gael y cyfle i berfformio fy nghyfansoddiad newydd yma. Yn arddulladol, rwyf wedi ceisio benthg o draddodiad corawl Anglicanaidd cyfansoddwyr megis Harold Darke a Herbert Sumsion, yn ogystal ag o alawon gwych emynyddiaeth Gymreig, i greu gwaith a fydd yn cydymdeimlo â'r litwrgi ac â hunaniaeth y lle hwn."

Mae'n diolch yn fawr i Simon am roi ei ddoniau ar waith yma, ac i'n Cyfarwyddwr Cerdd am arwain y datblygiadau newydd hyn yn fedrus.

Gweddï

Meddai George Herbert, un o brif bersoniaid llengar yr ail ganrif ar bymtheg, mai'r "galon ar bererindod" yw gweddï. Pan weddïwn weddïau o ymbil – hynny yw, wrth weddïo dros eraill – rydym yn cynnal gerbron Duw y pryderon sy'n drwm ar ein calon. Fe'n gelwir, pob un ohonom, i weddïo ein hunain, yn breifat ac yn ddyddiol.

Yn ein Cymun Bendigaid ar y Sul ac yn feunyddiol, fe'n harweinir mewn ymbiliau ar y cyd. Yn benodol, gweddïwn yn ôl eu henw dros y rhai sy'n glâf, y rhai a fu farw'n ddiweddar, a'r rhai y mae dydd eu marw ("gŵyl goffa") yn cwmpo ar yr adeg hon. **Ar y ddarlithell yng nghefn Corff yr Eglwys, bydd rhestr bob amser i'w chael;** ychwanegwch iddi enwau'r rheini sydd i'w cynnwys yn ein gweddïau. Os ydych ymaith o'r Gadeirlan, cysylltwch ag aelod o dîm y Gadeirlan gyda cheisiadau gweddï.

Rydym hefyd yn dechrau creu "**Llyfr Capel Côr**" – rhestr o'r rhai y dylid gweddïo drostynt yn flynyddol ar eu gŵyl goffa. (Daw'r enw o'r arfer traddodiadol o sefydlu Capel Côr ynghlwm i eglwysi, ymhle y cenid y Cymun er côf am y meirw. Roedd sawl capel o'r fath, yn gysegredig i Sant Ioan Fedyddiwr, Sant Ioan yr Efenglydd a'r Santes Farged yn y Gadeirlan hon.) Mae'r rhai fu farw yn aros yng nghwmni Crist, fel yr arhoswn ninnau is y rhod, am ddyfodiad Nefoedd Newydd a Dae'r Newydd; yr ydym mewn cymundeb â hwy; a dylem weddïo drostynt fel y gweddïwn dros ein gilydd. Mae ail restr ar y ddarlithell ar gyfer

ychwanegu enwau (a dyddiadau) at y Llyfr Capel Côr.

Mae **Coffadwriaeth yr Holl Eneidiau**, yn gynnar ym mis Tachwedd, yn gyfle blynyddol i ddal gerbron Duw mewn gweddi y ffyddloniaid ymadawedig. Byddwn yn coffáu'r Holl Eneidiau gyda Chymun Bendigaidd ar Gân dros y Meirw am 5.30pm ddydd Iau 4 Tachwedd. Bydd y Côr yn canu gosodiad Fauré o'r *Requiem*. Bydd y Cymun yn cael ei gynnig dros yr holl ffyddloniaid ymadawedig; ond bydd unigolion yn cael eu cofio yn ôl eu henw yn ystod yr ymbiliau. Ychwanegwch enwau at y rhestr yng nghefn Corff yr Eglwys. Bydd enwau a ychwanegir at y Llyfr Capel Côr yn cael eu cynnwys heb fod angen eu hychwanegu at y rhestr Holl Eneidiau ar wahân.

Yn olaf, os hoffech chi ystyried ymuno â'r tîm bach sy'n arwain yr ymbiliau yn y Cymun ar y Sul, siaradwch â'r Canon Bywyd Cynulleidfaol neu'r Is-Ddeon. Ceir cynefino a chefnogaeth.

Cyfarfod Cynulleidfaol

Bydd Cyfarfod Cynulleidfaol, fydd yn canolbwyntio ar gynigion i warchod ac adnewyddu Gadeirlan Deiniol Sant wrth inni baratoi i ddathlu mileniwm a hanner ers ei sefydlu, yn cael ei gynnal yn y Gadeirlan am **5.30pm ar ddydd Iau 21 Hydref**.

Yn ein gweddïau

Oddi mewn i'n hesgobaeth Ardal Weinidogaeth Bro Cymer

Yn glâf Lis Perkins

A fu farw'n ddiweddar Betty Moyle, David Moyle, Thomas Reginald Edwards, John Williams

Gŵyl goffa —

Cefnogaeth


Caiff y fangre sanctaidd hon llawn ffydd, gobaith a chariad, a phopeth sy'n digwydd yma, ei chynnal gan eich haelioni chi. I roi rhodd ar-lein ar eich ffôn heddiw, sganiwch y cod QR isod. I sefydlu rhodd Debyd Uniongyrchol misol, gyda'r opsiwn i ychwanegu Cymorth Rhodd, chwiliwch ar-lein am "Eglwys yng Nghymru Rhoi yn Syth" a dewis "Bro Deiniol" o dan "Buddiolwr". Mae basged i gasglu rhoddion yng nghefn Corff yr Eglwys fore heddiw. Trwy roi rhodd, byddwch yn ein helpu i barhau â'n gwaith hanfodol.

Atgyweirio hanfodol

Dros y misoedd i ddod, rydym yn wynebu costau atgyweirio sylweddol iawn. Bydd angen i ni wario £22,000 ar waith iechyd a diogelwch brys – disodli rhai gwifrau trydanol hynafol, gosod mân daclau golau newydd, a diogelu'r adeilad gyda system canfod tân. Bydd angen i ni hefyd wario £18,000 ychwanegol ar waith strwythurol a gwaith adfer – gan atal treiddiad dŵr niweidiol pellach yn Nhŵr Skeffington a Thŵr Scott, ailaddurno wal yr eil ddeheuol, ac ail-baentio wynebau'r cloc a drysau'r Gadeirlan. Os gallwch chi helpu gyda rhodd arbennig, waeth pa mor fawr neu fach, siaradwch ag aelod o dîm y Gadeirlan.



Trefn y gwasanaeth



Rhagarweiniad ar yr organ
Liebster Jesu, wind sind hier, Johann Sebastian Bach (1685-1750)

Wedi'r hysbysiadau, codwn ar ein traed ar ganiad y gloch



Cynnull

Eryn



Otyred i'n gwaredu, Iesu da,
fel cynt y daethost ar dy newydd wedd,
a'r drysau 'nghau, at rai dan ofnus bla,
a'u cadarnhau â nerthol air dy hedd:
llefara dy dangnefedd yma nawr
a dangos inni greithiau d'aberth mawr.

Yn d'aberth di mae'n gobaith ni o hyd,
ni ddaw o'r ddaear ond llonyddwch brau;
o hen gaethiwed barn rhyfeloedd byd
hiraethwn am y cymod sy'n rhyddhau:
tydi, Gyfryngwr byw rhwng Duw a dyn,
rho yn ein calon ras i fyw'n gytûn.

Cyd-fyw'n gytûn fel brodyr fyddo'n rhan,
a'th gariad yn ein cynnal drwy ein hoes;
na foed i'r arfog cry' orthrymu'r gwan,
ac na bo grym i ni ond grym y groes:
rhag gwae y dilyw tân, O trugarha
a thyred i'n gwaredu, Iesu da.

Geiriau

John Roberts (1910-1984)

Cerddoriaeth | "Bro Aber"

J. Haydn Phillips (1917-1985)

Parhawn ar ein traed tan ddiwedd y Weddi Gasgl

Cyfarchiad

✠ Yn enw'r Tad, a'r Mab, a'r Ysbryd Glân.
Amen.

Gras a thangnefedd a fo gyda chwi.
A'th gadw di yng nghariad Crist.

"A chan eu bod yn methu dod â'r claf ato oherwydd y dyrfa,
agorasant do'r tŷ lle'r oedd, a gollwng i lawr y fatras yr oedd yn
gorwedd arni."

Cyffes

Gan gynnull i ddathlu'r Cymun Bendigaidd er gogoniant i Dduw,
ymbaratown gan gyffesu ein pechodau,

ni sy'n gyndyn i edifarhau a throï at Grist; ni sy'n gwrthod
maddau i'n dyledwyr; ni sy'n claddu'n heuogrwydd yn y dirgel.

Cyd-weddiwn.

**Dad nefol,
yr ydym wedi pechu ar feddwl, gair a gweithred,
a heb wneud yr hyn a ddylem.**

**Mae'n wir ddrwg gennym,
ac yr ydym o ddifrif yn edifarhau.
Er mwyn dy Fab Iesu Grist a fu farw drosom,
maddeua inni'r cwbl a aeth heibio
ac arwain ni yn ei ffordd ef
i gerdded fel plant y goleuni.
Amen.**

Yr hollalluog Dduw a drugarhao wrthyh,
✠ maddau ichwi a'ch rhyddhau o bechod,
a'ch cadw yn y bywyd tragwyddol.

Amen.

Kyrie eleison

Kyrie eleison. Christe eleison. Kyrie eleison.

Arglwydd, trugarha. Crist, trugarha.

Arglwydd, trugarha.

Cerddoriaeth

Cymun Deiniol, Simon Ogdon

Gweddi Gasgl

Gweddiwn.

O Dduw, deisyfwn arnat ollwng dy bobl oddi wrth eu
camweddau; fel trwy dy hael ddaioni y byddwn oll yn rhydd
oddi wrth rywmau'r pechodau hynny a gyflawnwyd gennym
yn ein gwendid: caniatâ hyn, nefol Dad, er mwyn Iesu Grist ein
Gwaredwr.

Amen.

Gair

Salmyddiaeth



Cana'r Cor

Y Cyfuwch a'r nef uwch daear las,
felly rhagorodd uchder gras.

Ymatebwn

R Cyfuwch a'r nef uwch daear las,
felly rhagorodd uchder gras.

Trugarog a graslon yw'r Sanctaidd Un,
araf i ddigio a llawn ffyddlondeb.
Nid yw'n ceryddu'n ddiddiwedd,
nac yn meithrin dicter am byth.

R Cyfuwch a'r nef uwch daear las,
felly rhagorodd uchder gras.

Ni wnaeth â ni yn ôl ein pechodau,
ac ni thalodd i ni yn ôl ein camweddau.

R Cyfuwch a'r nef uwch daear las,
felly rhagorodd uchder gras.

Oherwydd fel y mae'r nefoedd uwchben y ddaear,
y mae cariad Duw drosom bawb sy'n wylaidd;
cyn belled ag y mae'r dwyrain o'r gorllewin
y pellhaodd ein pechodau oddi wrthym.

**Cyfuwch a'r nef uwch daear las,
felly rhagorodd uchder gras.**

Fel y mae tad yn tosturio wrth ei blant,
felly y tosturia'r Sanctaidd Un wrth bawb sy'n ffyddlon. **R**
Oherwydd y mae Duw'n gwybod ein deunydd,
yn cofio mai llwch ydym.

R **Cyfuwch a'r nef uwch daear las,
felly rhagorodd uchder gras.**

Salm 103:8-14
Cerddoriaeth
Joe Cooper

Darlleniad

Darlleniad o Actau'r Apostolion.

Nawr: Yr oedd Cornelius wedi galw ynghyd ei berthnasau a'i gyfeillion agos. Dechreuodd Pedr lefaru: "Ar fy ngwir," meddai, "rwy'n deall nad yw Duw yn dangos ffafriaeth, ond bod y sawl ym mhob cenedl sy'n ei ofni ac yn gweithredu cyfiawnder yn dderbyniol ganddo ef. Y gair hwn a anfonodd i blant Israel, gan gyhoeddi Efengyl tangnefedd drwy Iesu Grist; ef yw Gwaredwr pawb. Gwyddoch chwi'r peth a fu drwy holl Jwdea, gan ddechrau yng Ngallilea wedi'r bedydd a gyhoeddodd Iosaf – Iesu o Nasareth, y modd yr eneiniodd Duw ef â'r Ysbryd Glân ac â nerth. Aeth ef oddi amgylch gan wneud daioni ac iacháu pawb oedd dan ormes y diafol, am fod Duw gydag ef. Ac yr ydym ni'n dystion o'r holl bethau a wnaeth yng ngwlad yr Iddewon ac yn Jerwsalem. A lladdasant ef, gan ei grogi ar bren. Ond cyfododd Duw ef ar y trydydd dydd, a pheri iddo ddod yn weledig, nid i'r holl bobl, ond i dystion oedd wedi eu rhagethol gan Dduw, sef i ni, y rhai a fu'n cydfwyta ac yn cydyfed gydag ef wedi iddo atgyfodi oddi wrth y meirw. Gorchmynnodd i ni bregethu i'r bobl, a thystiolaethu mai hwn yw'r un a benodwyd gan Dduw yn farnwr y byw a'r meirw. I hwn y mae'r holl broffwydi'n tystio, y bydd pawb sy'n credu ynddo ef yn derbyn maddeuant pechodau trwy ei enw."

Clywch air bywyd i'n byd.

Diolch a fo i Dduw.

Actau 10:34-43

Codwn ar ein traed, gan droi i wynebu'r Efengilydd yng Nghorff yr Eglwys

Efengyl



Cana'r Cor

Y Halelwia. Halelwia. Halelwia.

Ymatebwn

R Halelwia. Halelwia. Halelwia.

Pwy ond Duw yn unig a all faddau pechodau?

R Halelwia. Halelwia. Halelwia.

Gras a thangnefedd a fo gyda chwi.

A'th gadw di yng nghariad Crist.

Gwrandewch yr Efengyl Sanctaidd yn ôl ✠ Sant Marc.

Gogoniant i ti, O Grist.

Bryd hynny: Pan ddychwelodd Iesu i Gapernaum, aeth y newydd ar led ei fod gartref. Daeth cynifer ynghyd fel nad oedd mwyach le i neb hyd yn oed wrth y drws. Ac yr oedd yn llefaru'r gair wrthynt. Daethant â dyn wedi ei barlysu ato, a phedwar yn ei gario. A chan eu bod yn methu dod â'r claf ato oherwydd y dyrfa, agorasant do'r tŷ lle'r oedd, ac wedi iddynt dorri trwodd dyma hwy'n gollwng i lawr y fatras yr oedd y claf yn gorwedd arni. Pan welodd Iesu eu ffydd hwy dywedodd wrth y claf, "Fy mab, maddeuwyd dy bechodau." Ac yr oedd rhai o'r ysgrifenyddion yn eistedd yno ac yn meddwl ynddynt eu hunain, "Pam y mae hwn yn siarad fel hyn? Y mae'n cablu. Pwy ond Duw yn unig a all faddau pechodau?" Deallodd Iesu ar unwaith yn ei ysbryd eu bod yn meddwl felly ynddynt eu hunain, ac meddai wrthynt, "Pam yr ydych yn meddwl pethau fel hyn ynoch eich hunain? P'run sydd hawsaf, ai dweud wrth y claf, 'Maddeuwyd dy bechodau', ai ynteu dweud, 'Cod, a chymer dy fatras a cherdda'? Ond er mwyn i chwi wybod fod gan Fab y Dyn awdurdod i faddau pechodau ar y ddaear" – meddai wrth y claf, "Dyma fi'n dweud wrthy, cod, a chymer dy fatras a dos adref."

A chododd y dyn, cymryd ei fatras ar ei union a mynd allan yn eu gŵydd hwy oll, nes bod pawb yn synnu ac yn gogoneddu Duw gan ddweud, "Ni welsom erioed y fath beth."

Marc 2:1-12

Dyma Efengyl ein Gwaredwr.

Moliant i ti, O Grist.

Eisteddwn ar gychwyn y bregeth

Pregeth

Yr Is-Ddeon

Ar derfyn y bregeth, codwn ar ein traed

Credo

Ar y cyd, gadewch inni gadarnhau ein ffydd.

**Yr wyf yn credu ac yn ymddiried yn Nuw Dad,
a greodd bopeth sydd.**

**Yr wyf yn credu ac yn ymddiried yn ei Fab Iesu Grist,
a brynodd ddynolryw.**

**Yr wyf yn credu ac yn ymddiried yn ei Ysbryd Glân,
sy'n rhoi bywyd i bobl Dduw.**

**Yr wyf yn credu ac yn ymddiried yn un Duw,
Dad, Mab ac Ysbryd Glân.
Amen.**

Ymbiliau

Gyda'n holl galon a'n holl feddwl gweddïwn ar Dduw.

Eisteddwn neu benliniwn

∇ O Dduw, yn dy drugaredd,

℞ **Gwrando ein gweddi.**

∇ Gorffwys tragwyddol dyro iddynt, O Dduw.

℞ **A llewyrched goleuni gwastadol arnynt.**

∇ Gorffwysed hwy mewn tangnefedd.

℞ ✕ **A chyfodi mewn gogoniant.**

∇ Dad trugarog,

℞ **Derbyn y gweddiâu hyn**

er mwyn dy Fab, ein Gwaredwr Iesu Grist.

Amen.

Codwn ar ein traed

Cymun

Emyn



Dof fel yr wyf, 'does gennyf fi
ond dadlau rhin dy aberth di,
a'th fod yn galw: clyw fy nghri,
'rwy'n dod, Oen Duw 'rwy'n dod.

Dof fel yr wyf, ni thâl parhau
i geisio cuddio unrhyw fai;
ond gwaed y groes all fy nglanhau:
'rwy'n dod, Oen Duw 'rwy'n dod.

Dof fel yr wyf, er ofnau lu,
a gallu y tywyllwch du
yn curo arnaf o bob tu;
'rwy'n dod, Oen Duw 'rwy'n dod.

Dof fel yr wyf, syrthiodd i'r llawr
bob cadwyn gref, 'rwyf finnau nawr
yn eiddo i'r Gwaredwr mawr;
'rwy'n dod, Oen Duw 'rwy'n dod.

Dof fel yr wyf, caf brofi'n llawn
dy gariad – O anhraethol ddawn! –
a chanaf mwyach am yr lawn;
'rwy'n dod, Oen Duw 'rwy'n dod.

Geiriau

Charlotte Elliott (1789-1871)

Cyfieithiad

Eliza Evans (1852-1920)

Cerddoriaeth | "Saffron Walden"

Arthur Henry Brown (1830-1926)

Parhawn ar ein traed tan y rhannwn y Tangnefedd

Offrwm

Deuwn i'r fangre hon â'r bara sy'n gynhaliaeth.
Fe ddaw inni'n fara'r bywyd.

Deuwn i'r fangre hon â'r gwin sy'n mwyneiddio.
Fe ddaw inni'n waed einioes y byd.

Gweddi Ewcharistaidd

Gras a thangnefedd a fo gyda chwi.
A'th gadw di yng nghariad Crist.

Dyrchefwch eich calonnau.
Yr ydym yn eu dyrchafu at yr Arglwydd.

Diolchwn i'r Arglwydd ein Duw.
lawn yw rhoi ein diolch a'n clod.

lawn yn wir, ein dyletswydd a'n llawenydd bob amser ac ym
mhob lle, yw diolch i ti, Dad Sanctaidd, hollalluog a bythfywiol
Dduw, trwy Iesu Grist ein Harglwydd.

Sydd trwy ei angau ei hun wedi dinistrio angau, a thrwy ei atgyfodiad i fywyd wedi adfer i ni fywyd tragwyddol.

Felly, gyda llu'r angylion a holl gwmpeini'r nef, cyhoeddwn ogoniant dy enw ac ymuno â hwy yn eu hemyn diderfyn o fawl:

Sanctaidd, sanctaidd, sanctaidd Arglwydd, Duw gallu a nerth, nef a daear sy'n llawn o'th ogoniant. Hosanna yn y goruchaf.

✠ Bendigedig yw'r hwn sy'n dyfod yn enw'r Arglwydd. Hosanna yn y goruchaf.

Cerddoriaeth

Cymun Deiniol, Simon Ogdon

Pob moliant a diolch i ti, y gwir a'r bywiol Dduw, Crëwr pob peth, Rhoddwr bywyd. Lluniaist ni ar dy ddelw dy hun, ond yr ydym ni wedi difwyno'r ddelw honno a syrthio'n brin o'th ogoniant. Rhoddwn ddiolch i ti am anfon dy Fab i rannu ein bywyd ni; fe'i hildiaist i farwolaeth fel y câi'r byd ei achub, a'i atgyfodi oddi wrth y meirw fel y bo i ni fyw ynddo ef, ac yntau ynom ninnau.

Sancteiddia â'th Ysbryd y bara hwn a'r gwin hwn, dy roddion inni, fel y bônt i ni yn gorff a gwaed ein Hiachawdwr, Iesu Grist.

Y nos y bradychwyd ef, cymerodd fara ac, wedi rhoi diolch, fe'i torrodd a'i roi i'w ddisgyblion, gan ddweud, Cymerwch, bwyteu; hwn yw fy nghorff a roddir drosoch: gwnewch hyn er cof amdanaf. ✠

Yr un modd ar ôl swper cymerodd y cwpan, ac, wedi rhoi diolch, fe'i rhoddodd iddynt, gan ddweud, Yfwch o hwn bawb, oherwydd hwn yw fy ngwaed o'r cyfamod newydd a dywelltir drosoch a thros lawer er maddeuant pechodau: gwnewch hyn bob tro yr yfwch ef er cof amdanaf. ✠

Gadewch inni gyhoeddi dirgeledd y ffydd:

Bu farw Crist.

Atgyfododd Crist.

Daw Crist mewn gogoniant.

Fel y gorchmynnodd ef inni, O Dad, yr ydym yn cofio Iesu Grist, dy Fab. Gan gyhoeddi ei farwolaeth fuddugoliaethus, a chan ymlawenhau yn ei atgyfodiad, a disgwyl iddo ddod mewn gogoniant, deawn â'r bara hwn a'r cwpan hwn i ti. Derbyn ein haberth o ddiolch a moliant.

Adfer ac adfywia dy holl bobl, adnewyddu ni a phawb y gweddiwn trostynt â'th ras a'th ✠ fendith nefol a derbyn ni yn y diwedd gyda'th holl saint i'r llawenydd diderfyn hwnnw a addawyd inni gan dy Fab, ein Harglwydd Iesu Grist.

Trwyddo ef, gydag ef, ynddo ef, yn undod yr Ysbryd Glân, eiddot ti, Dad hollalluog, yw pob anrhydedd a gogoniant, yn oes oesoedd.

✠ **Amen.**

Parhawn ar ein traed

Gweddi'r Arglwydd

Fel y dysgodd ein Hiachawdwr ni, gweddiwn yn hyderus:

Ein Tad, yr hwn wyt yn y nefoedd, sancteiddier dy enw, deled dy deyrnas, gwneler dy ewyllys; megis yn y nef, felly ar y ddaear hefyd. Dyro i ni heddiw ein bara beunyddiol a maddau i ni ein dyledion, fel y maddeuwn ninnau i'n dyledwyr. Ac nac arwain ni i brofedigaeth; eithr gwared ni rhag drwg. Canys eiddot ti yw'r deyrnas, a'r gallu, a'r gogoniant, yn oes oesoedd. **Amen.**

Tangnefedd

Fel y daw'r gwenith sy'n wasgar yn y meysydd yn un bara, geilw ynghyd dy bobl i fod yn un gymdeithas fawr ger dy fron; dy gorff torredig yn gyflawn mewn tangnefedd.

Tangnefedd y Bythol Dduw a fo gyda chwi bob amser.

A'th gadw di yng nghariad Crist.

Rhannwn arwydd o Dangnefedd; yna penliniwn neu eisteddwn

Torri

Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: trugarha wrthym.
Oen Duw, sy'n dwyn ymaith bechodau'r byd: dyro inni dangnefedd.

Cerddoriaeth

Cymun Deiniol, Simon Ogdon

Cymuno

✠ Iesu yw Oen Duw sy'n dwyn ymaith bechodau'r byd.
Gwyn eu byd y rhai a elwir i'w swper.

**Waredwr, nid wyf yn deilwng i'th dderbyn,
ond dywed y gair a chaf fy iacháu.**

Deuwn i Gymuno o'r Aafrrladen Sagrafennol yn unig ar hyn o bryd

Anthem

Cana'r Côr

Mawr yw y wyrth; y mae rhin
i'r enaid yn y rhannu cyfrin;
briwiau ei gorff yw'r bara a'r gwin
a roed mor anghyffredin.

Hon yw'r rhodd inni a roddwyd;
o'r cnawd hwn daw'r cnwd hael gynaeafwyd;
gwaed yr archoll a gollwyd,
Brenin y boen, bara ein bwyd.

Diolch a wnawn yn dawel
am ein rhan, yma'n rhinwedd dirgel:
y dorth, y gwaed, y wyrth gël;
yn y naws, plygwn yn isel.

Gwnewch hyn er cof, dyna'r cofio
yn falm ar fwrdd y cymuno;
yn y wledd rhown fawl iddo,
trwy ei waed cawn fywyd dro.

Geiriau

Jâms Niclas (1928-2013)

Cerddoriaeth | "Troyte"

Arthur Henry Dyke Troyte (1811-1857)

Emyn



Pa le, pa fodd dechreuaf
foliannu'r Iesu mawr?
Olrheinio'i ras ni fedraf,
mae'n llenwi nef a llawr:
anfeidrol ydyw'r Ceidwad,
a'i holl drysorau'n llawn;
diderfyn yw ei gariad,
difesur yw ei ddawn.

Trugaredd a gwirionedd
yng Nghrist sy nawr yn un,
cyfiawnder a thangnefedd
ynghyd am gadw dyn:
am Grist a'i ddioddefiadau,
rhinweddau marwol glwy',
y seinir pêr ganiadau
i dragwyddoldeb mwy.

O diolch am Gyfryngwr,
Gwaredwr cryf i'r gwan;
O am gael ei adnabod,
fy Mhriod i a'm rhan,
fy ngwisgo â'i gyfiawnder
yn hardd gerbron y Tad,
a derbyn o'i gyflawnder
wrth deithio'r anial wlad.

Geiriau

Roger Edwards (1811-1886)

Cerddoriaeth | "Pen yr Yrfa"

William James (1877-1964), yn seiliedig yn rhannol ar hen alaw

Parhawn ar ein traed

Gweddi ôl-Gymun

Cyd-weddiwn.

Yr hyn a gymerasom â'n genau,
Dyro i ni' dderbyn â chalon lân;

Ac o fod yn rhodd dymhorol,
Boed i ni'n feddyginiaeth dragwyddol.

Ymadael

Gras a thangnefedd a fo gyda chwi.

A'th gadw di yng nghariad Crist.

Bendith Duw hollalluog, y Tad, ✠ y Mab, a'r Ysbryd Glân
a fo yn eich plith ac a drigo gyda chwi yn wastad.

Amen.

Awn ymaith mewn tangnefedd.

Yn Enw Crist. Amen.

Parhawn ar ein traed hyd nes i'r gweinidogion ymadael

Mae croeso cynnes i chi aros am baned yng nghefn Corff yr Eglwys

Offrymddarn ar yr organ

Prelïwd yn D leiaf, Felix Mendelssohn (1809-1847)

Cadeirlan Deiniol Sant ym Mangor

Is-Ddeon

Canon Siôn B. E. Rhys Evans

sionrhys@eglwysyngnghymru.org.uk

Canon Bywyd Cynulleidfaoel

Canon Tracy Jones

tracyjones@eglwysyngnghymru.org.uk

Cyfarwyddwr Cerdd

Joe Cooper

joecooper@eglwysyngnghymru.org.uk

Organydd

Martin Brown

martinbrown@eglwysyngnghymru.org.uk

Gweinidog Teulu

Naomi Wood

naomiwood@eglwysyngnghymru.org.uk

Darllenydd ac Ystylydd

Elma Taylor

Canon Emeritws

Canon Angela Williams

Pensaer y Gadeirlan

Simon Malam

Cabidwl y Gadeirlan

Archddiacon Bangor

Yr Hybarch Mary Stallard

Archddiacon Meirionnydd

Yr Hybarch Andrew Carroll Jones

Archddiacon Ynys Môn ac

Phrebendari Llanfair

Yr Hybarch Andy Herrick

Prebendari Penmynydd

Canon Dylan Williams

Canon Drysorydd

Canon Siôn B. E. Rhys Evans

Canon Ganghellor

Canon Emlyn Cadwaladr Williams

Canon Bencantor

Canon Robert Townsend

Canon Primus

Canon Tracy Jones

Canon Tertius

Canon Kim Williams

Canon Quintus

Canon Alan Gyle

Canon Mygedol

Canon Jane Coutts

Canon Mygedol

Canon Janet Gough


Canon Mygedol

Canon Nick Golding

Clerc y Cabidwl

Robert Jones

robertjones@eglwysyngnghymru.org.uk



Cynaliadwyedd a chaniatâd

Rydym yn defnyddio papur bioddiraddadwy, teneuach na'r arfer, wedi'i wneud o goedwigoedd adnewyddadwy wedi'u plannu, sy'n storio carbon.

Caiff rhai o'n gwasanaethau'n eu ffrydio ar Facebook o gamera ym mhen dwyreiniol Corff yr Eglwys sy'n wynebu'r dwyrain, ac mae'r recordiad ar gael wedi hynny ar dudalen Facebook y Gadeirlan. Efallai y bydd ffotograffydd swyddogol ar ddyletswydd. Mae eich presenoldeb yn gyfystyr â'ch caniatâd i gael eich cynnwys mewn unrhyw fflmio, tynnu lluniau, recordio sain neu ddarlledu. Os nad ydych am i ffotograff ohonoch chi neu blentyn yn eich gofal gael ei ddefnyddio gan y Gadeirlan, siaradwch ag aelod o dîm y Gadeirlan.

Cydnabyddiaethau

Atgynhyrchir deunydd yn y drefn hon o wasanaeth o dan CLL 280874. Mae'r gwasanaeth hwn yn cynnwys rhannau o'r **Drefn ar gyfer y Cymun Bendigaid 2004** hawlfraint © Gwasg yr Eglwys yng Nghymru 2004 Mae'r llithoedd a'r salmyddiaeth Gymraeg yn seiliedig ar **The New Revised Standard Version of the Bible** ac **Y Beibl Cymraeg Newydd: Argraffiad Diwygiedig**. Daw cytgan y salmyddiaeth Gymraeg o Nicander, **Y Psallwyr** (1850) a'r salmyddiaeth Saesneg o **The Saint Helena Breviary** (2019).

Ar y clawr mae carped o Iran o'r ail ganrif ar bymtheg yn Amgueddfa'r Met.